

**Broj: 06-03-1032-04/35/15**  
**Mostar, 26.02.2016. godine**

Na osnovu člana 21., člana 37., člana 42., člana 84. i člana 87. stav (1) i stav (2) Zakona o električnoj energiji u Federaciji Bosne i Hercegovine („Službene novine Federacije BiH“ broj 66/13 i 94/15), člana 20. stav (2) Zakona o korištenju obnovljivih izvora energije i efikasne kogeneracije („Službene novine Federacije BiH“ 70/13 i 5/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12 i 71/14), člana 49. stav (2) Pravilnika za izdavanje dozvola („Službene novine Federacije BiH“ broj 43/14), člana 10. stav (3) i člana 13. stav (2) Pravilnika o sticanju statusa kvalifikovanog proizvođača električne energije („Službene novine Federacije BiH“ broj 53/14), postupajući po Zahtjevu za obnovu dozvole za rad za proizvodnju električne energije broj 06-03-1032/35/15 od 09.12.2015. godine podnosioca zahtjeva „ECCO-CRIMA“ d.o.o. Prozor, Regulatorna komisija za energiju u Federaciji Bosne i Hercegovine – FERK je dana 26.02.2016. godine na III. redovnoj sjednici donijela sljedeće

## **RJEŠENJE**

1. Izdaje se Dozvola za rad za proizvodnju električne energije podnosiocu zahtjeva „ECCO-CRIMA“ d.o.o. Prozor.
2. Utvrđuje se „ECCO-CRIMA“ d.o.o. Prozor status kvalifikovanog proizvođača u objektu male hidroelektrane „Crima“ u periodu važenja dozvole iz tačke 3. ovog rješenja.
3. Dozvola za rad izdaje se na period od 25.02.2016. godine do 24.02.2026. godine, sa uslovima dozvole koji čine njen sastavni dio.
4. Sastavni dio ovog rješenja čini dozvola iz tački 1. i 3. ovog rješenja.
5. Imalac dozvole je obavezan plaćati regulatornu naknadu tromjesečno, u periodu važenja dozvole i u iznosu koji utvrdi FERK posebnom odlukom.
6. Ovo rješenje je konačno i stupa na snagu danom donošenja, te se objavljuje na oglasnoj tabli i internetskoj stranici FERK-a, a dispozitiv ovog rješenja u „Službenim novinama Federacije BiH“.

## **Obrazloženje**

FERK je 09.12.2015. godine primio od podnosioca „ECCO-CRIMA“ d.o.o. Prozor Zahtjev za obnovu dozvole za rad za proizvodnju električne energije pod brojem 06-03-1032/35/15, te 21.12.2015. godine dopunu navedenog zahtjeva pod brojem 06-03-1032-01/35/15.

Prilikom pregleda potpunosti podnesenog zahtjeva, u skladu sa članom 9. Pravilnika o javnim raspravama i rješavanju zahtjeva, sporova i žalbi, FERK je utvrdio da podneseni zahtjev nije potpun u smislu člana 12. Pravilnika za izdavanje dozvola.

Zbog navedenog, FERK je postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi dostavio podnosiocu zahtjeva 07.01.2016. godine Obavještenje o nedostacima podnesenog Zahtjeva za obnovu dozvole za rad za proizvodnju električne energije pod brojem 06-03-1032-02/35/15 i odredio mu rok od osam dana radi otklanjanja uočenih nedostataka navedenih u obavještenju.

Postupajući po obavještenju, podnosilac zahtjeva je dostavio dopis primljen u FERK 13.01.2016. godine pod brojem 06-03-1032-03/35/15, uz koji je dostavio traženu dokumentaciju i obrazloženja.

S obzirom na to da su uz zahtjev za obnovu dozvole za rad navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 87. stav (1) Zakona o električnoj energiji u Federaciji Bosne i Hercegovine, odnosno iz člana 27. i člana 28. Pravilnika za izdavanje dozvola, te člana 6. Pravilnika o sticanju statusa kvalifikovanog proizvođača električne energije, FERK je utvrdio da su ispunjeni uslovi za primjenu odredbe člana 49. stav (2) Pravilnika za izdavanje dozvola.

Na osnovu obrade Zahtjeva za obnovu dozvole za rad za proizvodnju električne energije podnosioca „ECCO-CRIMA“ d.o.o. Prozor i dokumentacije priložene uz zahtjev, u dozvoli koja je predmet ovog rješenja podnosiocu zahtjeva postavljeni su, u skladu sa članom 32., članom 33. Pravilnika za izdavanje dozvola i članom 13. stav (1) Pravilnika o sticanju statusa kvalifikovanog proizvođača električne energije, određeni uslovi. Spomenuti uslovi uvažavaju potrebu, ali i obavezu „ECCO-CRIMA“ d.o.o. Prozor da u rokovima propisanim u uslovima dozvole za rad za obavljanje licencirane djelatnosti proizvodnje električne energije iste ispuni, u cilju zadovoljenja propisanih kriterija.

Na osnovu navedenog, odlučeno je kao u dispozitivu ovog rješenja.

#### **POUKA O PRAVNOM LIJEKU:**

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

**v.d. PREDSDJEDNICE FERK-a**  
**Sanela Pokrajčić**